

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

V. Quæritur an ad Bonifacium pertinuerit congregatio Conciliorum. Poterat cogitare de celebrando Concilio; sed ejus ministerium quoad hoc in sola suggestione positum erat, omninoque auctoritate ...

**urn:nbn:de:hbz:466:1-15617**

monachos vel ancillas Dei defendere possum, nec ipsos paganorum ritus & sacrilegia idolorum in Germania sine illius mandato & timore prohibere valeo. Quod ne quis ad vim aut contradictonem Karoli referre possit, prohibet auctoritas ipsius Bonifacij, qui pietatem ejus multis laudibus celebrat, tum etiam epistola Summorum Pontificum Gregorij II. & Gregorij III. ac Zachariæ, qui eum & vivum & mortuum laudant, ob cetera quidem bene facta ejus, sed etiam ob auxilium Bonifacio praestitum in diversis causis ecclesiasticis. Præterea Lupus Ferrariensis in vita sancti Vigiberti cap. IIII. Bonifacium laudat quod auctoritatem ecclesiasticanam nusquam frangit permiserit, eamque violari non consenserit a Principibus, inter quos diu versatus est. Hæc sunt verba Lupi loquentis de Bonifacio: *Fuit enim fidei Christianæ cum propaginator acerrimus, tam propagator vigilansissimus, ne sciens accupari favorem Principum fadissimis adulacionibus, nec honorem seu rigorem ecclesiasticum mortiferis compendiis ac male dulcoratis refrigeriis enervare.* Vnde colligi debet legitima seculo illo visa esse quæ tempore Bonifacij agebantur in causis ecclesiasticis a Principibus Francorum.

I V. Mittens itaque Gregorius II. Bonifacium in Germaniam, Episcopum jam ordinatum, cum vicibus apostolicæ sedis, primum, quod dignitas apostolicæ sedis postulabatur, eum commendavit Karolo Francorum Duci, cui Martello cognomen habet. Pro quibus eum glorijs benevolentie tue, inquit, omnimodo commendamus, ut in omnibus necessitatibus adjuvetis, & contra quolibet adversarios, quibus in Domino prævalitis, instantissime defendatis. Sciebat enim non aliter posse hominem peregrinum verari inter Francos quam cum consensu Principis, eum præsertim qui aliqua auctoritate instructus esset quæ suspicionem novarum rerum injicere potuisset in animum Principis. Ceterum ut essent qui eum favore suo juvarent apud Karolum, Bonifacium per epistolam generalem commendavit Episcopis, Presbyteris, Diaconis, Duabus, Castaldiis, Comitibus, omnibusque Deum timentibus, rogans præterea eos uti Bonifacio sociisque ejus alimenta vietiui necessaria subministrarent. Verum contributio illa, præterquam quod voluntaria erat, infra mediocritatem subsistebat, quod (ut reætè adnotat illustrissimus Archiepiscopus) exigui admodum sumptus sufficerent homini frugaliter viventi & Apostolorum virtutibus æmulanti.

V. Quæri autem hoc loco potest, an Bonifacius, qui Romani Pontificis Legatus erat, ea fuerit auctoritas, ut ad eum pertineret congregatio Conciliorum, præsertim cum in

mandatis quæ Thessalonicensibus & Arelatensibus Episcopis data vidimus, illud in primis eis tribuatur, ut quoties ita putaverint esse faciendum, synodos congregent in suis provinciis, quæ mandata data quoque deinceps sunt Legatis quos post Karoli Magni tempora Romani Pontifices miserunt in provincias. Nam & in epistola Zachariæ ad Bonifacium legimus ipsum à Papa petuisse uti sacerdotem quendam mitteret in Galliam ad Concilia celebranda. *Petisti*, inquit Zacharias, *ut sacerdos à nobis dirigatur in partibus Francie & Gallie ad Concilia celebranda.* Vnde colligi posse videtur penes Legatos fuisse per eas tempestates auctoritatem congregandi Concilia. Verum hanc controversiam statim solvit ipse Zacharias. Nam cum dixisset necessarium non esse ut alias pro hac causa dirigeretur in illam provinciam Bonifacio superstite, qui sedis apostolice & nostram illuc presentas vicem, demum addit: *Concilia vero, aggregatis Episcopis provincialibus, ut tibi & ubi tibi rectum videtur, celebranda procura.* Poterat ergo Legatus cogitare de celebrando Concilio; sed ejus ministerium quoad hoc in sola suggestione positum erat, omninoque auctoritate Principis opus erat ad Concilia congreganda, ut patet etiam ex præfatione Concilij Liptinensis. Quare Vwillibaldus in vita sancti Bonifacij cap. IX. ista rectè annotavit: *Cumque Caroli Dux glorioſi temporale finitum effet regnum, & filiorum ejus Carolomanni & Pipini roborum effet imperium, tunc quippe Domino Deo opitulante, ac suggestente sancto Bonifacio Archiepiscopo, religionis Christianæ confirmatum est testamentum, & orthodoxorum patrum synodalia sunt in Francis correcta constituta.* Item cap. X. *Carolomannum Ducem ad congregandum supradictum synodorum conventum saepissime concitavat.* Sed tum de hac causa, tum etiam de ceteris rebus gestis Bonifacij in legatione, nihil amplius dicam, quoniam illustrissimus Archiepiscopus ista accurate executus est in lib. V. I. cap. XXIV. XXIX. & lib. VIII. cap. XI.

V. VI. Vicariam sedis apostolicae dignitatem per sex & trinta annos habuit Bonifacius, decursis videlicet duorum Gregoriorum & Zachariæ pontificatus, qui hoc ei munus summa cum ejus laude mādaverant. Illis cum successisset Stephanus istius nominis secundus anno D C C L I I. videreturque se velut contemni à Bonifacio, qui toto biennio neque nuntium ad eum misserat neque literas quibus ei gratularetur successionem in cathedra Apostolorum, ac nihil minus vicariam illum potestatem absque suo permisso retinebat, haud dubiè adversus illum incanduit, expirasse eam potestatem docens morte Za-

Q. iij